



MES 6 23 0000001-26



21/12/2023

ხელშეკრულება N01-26 სახელმწიფო შესყიდვის შესახებ

შემსყიდველი: საქართველოს განათლებისა და მეცნიერების სამინისტრო, წარმოდგენილი ეკონომიკური დეპარტამენტის უფროსის, მარიამ ტაბატაძის სახით, მისამართი: ქ. თბილისი, დ. უზნაძის ქ. №52;
ტელ.: 2200 220
საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;
საიდენტიფიკაციო კოდი 202051224;

მიმწოდებელი: შპს "საქართველოს ფოსტა", წარმოდგენილი კომერციული დეპარტამენტის უფროსის მერი ბასილაშვილის სახით, მისამართი: 0100 თბილისი, ვაგზლის მოედანი 2, ტელ.: 577182058 ; e-mail: i.muladze@gpost.ge
საბანკო რეკვიზიტები: სს „საქართველოს ბანკი“; ბანკის კოდი: BAGAGE22;
ა/აGE13BG0000000123286800
საიდენტიფიკაციო კოდი 203836233

ერთი მხრივ - შემსყიდველი და მეორე მხრივ - მიმწოდებელი, **NAT230024112** ელექტრონული ტენდერის ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

ხელშეკრულების საგანს წარმოადგენს საფოსტო-საკურიერო მომსახურების (CPV:64100000) შესყიდვა, წინამდებარე ხელშეკრულებისა და NAT230024112 ელექტრონული ტენდერის პირობების შესაბამისად.

3. ხელშეკრულების ჯამური ღირებულება

3.1 ხელშეკრულების ღირებულება შეადგენს 84391,0 (ოთხმოცდაოთხი ათას სამას ოთხმოცდათერთმეტი) ლარს.

3.2 გასაწევი მომსახურების ერთეულის ფასები მოცემულია ქვემოთ წარმოდგენილ ცხრილში:

გზავნილის დასახელება (დოკუმენტები)/ გზავნილის წონა	მომსახურების გაწევის ადგილი	რაოდენობა	ერთეულის ფასი	ჯამური ფასი (ლარი)
50 გრამამდე	თბილისი	2600	7.5	19,500.00
	საქართველოს რეგიონები	2280	7.50	17,100.00
50 გრამიდან 100 გრამამდე	თბილისი	900	8.30	7,470.00
	საქართველოს რეგიონები	700	8.30	5,810.00
	საზღვარგარეთის ქვეყნები	3	53.00	159.00
	საზღვარგარეთის ქვეყნები (ჩაუბარებლობის შემთხვევაში, უკან დაბრუნება)	3	8.30	24.90
100 გრამიდან 250 გრამამდე	თბილისი	900	8.30	7,470.00
	საქართველოს რეგიონები	800	8.30	6,640.00
	საზღვარგარეთი ქვეყნები	3	80.00	240.00
	საზღვარგარეთის ქვეყნები (ჩაუბარებლობის შემთხვევაში, უკან დაბრუნება)	3	0.00	0.00
250 გრამიდან 500 გრამამდე	თბილისი	700	9.00	6,300.00
	საქართველოს რეგიონები	700	9.00	6,300.00
	საზღვარგარეთი ქვეყნები	3	104.00	312.00
	საზღვარგარეთის			

	ქვეყნები (ჩაუბარებლობის შემთხვევაში, უკან დაბრუნება)	3	0.00	0.00
500 გრამიდან 1 კგ-მდე	თბილისი	250	10.35	2,587.50
	საქართველოს რეგიონები	200	10.35	2,070.00
	საზღვარგარეთი ქვეყნები	3	130.00	390.00
	საზღვარგარეთის ქვეყნები (ჩაუბარებლობის შემთხვევაში, უკან დაბრუნება)	3	0.00	0.00
1 კგ-დან 1.5 კგ-მდე	თბილისი	70	11.50	805.00
	საქართველოს რეგიონები	60	11.50	690.00
	საზღვარგარეთის ქვეყნები	3	174.20	522.60
	საზღვარგარეთის ქვეყნები (ჩაუბარებლობის შემთხვევაში, უკან დაბრუნება)	3	0.00	0.00
სულ ჯამი:				84,391.00

3.3 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1 მიმწოდებელთან ანგარიშსწორება იწარმოებს უნაღდო ანგარიშსწორების წესით ეროვნულ ვალუტაში, ეტაპობრივად, ყოველთვიურად, ფაქტიურად გაწეული მომსახურების შესაბამისად, მხარეებს შორის მიღება-ჩაბარების აქტის გაფორმების საფუძველზე,

4.2 მიმწოდებელთან ანგარიშსწორება განხორციელდება მიღება-ჩაბარების აქტის ხელმოწერიდან 10 სამუშაო დღის განმავლობაში.

4.3 წინასწარი ანგარიშსწორება არ გამოიყენება.

4.4 დაფინანსების წყაროს წარმოადგენს განათლებისა და მეცნიერების სამინისტროს 2024 წლის ასიგნებები: „განათლების, მეცნიერების და ახალგაზრდობის სფეროებში სახელმწიფო პოლიტიკის შემუშავება და პროგრამების მართვა“ (პროგრამული კოდი 320101).

5. შესყიდვის ობიექტის მიღება-ჩაბარების წესი

5.1 შესყიდვის ობიექტი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

5.2 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს საქმისწარმოების სამმართველოს უფროსი/უფროსის ფუნქციათა შემსრულებელი.

6. მომსახურების გაწევის ვადა და ადგილი

6.1 მომსახურება განხორციელდება შემსყიდველის მოთხოვნის შესაბამისად, 2024 წლის 1 იანვრიდან 2024 წლის 31 დეკემბრის ჩათვლით.

6.2 მომსახურების გაწევის ადგილია: საქართველოს განათლებისა და მეცნიერების სამინისტრო, ქ. თბილისი, დ. უზნაძის N52.

7. მომსახურების გაწევის პირობები და მხარეთა უფლება-მოვალეობები

7.1 მიმწოდებელმა უნდა უზრუნველყოს:

7.1.1 ადგილობრივი (საქართველოს ნებისმიერი ქალაქი და დასახლებული პუნქტი) გზავნილების ჩაბარება არაუმეტეს 3 სამუშაო დღეში, ხოლო საერთაშორისო (საქართველოს საზღვრებს გარეთ ნებისმიერი მიმართულებით) გზავნილების ჩაბარება არაუმეტეს 10 კალენდარულ დღეში (დღეების ათვლა განხორციელდება გზავნილის ჩაბარების მომდევნო სამუშაო დღიდან) აღნიშნული გზავნილების ჩაბარების შესახებ ელექტრონულად დადასტურება ჩაბარებისთანავე.

7.1.2 შესყიდვის ობიექტით გათვალისწინებული მომსახურების კონტროლისა და ანალიზის სპეციალური მენეჯერის გამოყოფა, რომელმაც უნდა უზრუნველყოს შემსყიდველის დროული ინფორმირება.

7.1.3 გზავნილთა ჩაბარების მდგომარეობისა და გაწეული მომსახურების ამსახველი, მათ შორის განმეორებით (მეორეჯერ) მიტანილი გზავნილების შესახებ, ყოველთვიური სტატისტიკური მონაცემის მიწოდება შემსყიდველისათვის შესაბამისი გზავნილის რეკვიზიტებით, ასევე უნდა უზრუნველყოს შემსყიდველისათვის ყოველდღიურად მიწოდებული შესაბამისი გზავნილების/ჩაბარების დასტურის ამსახველი სრულყოფილი რეესტრის წარმოება, თითოეული გზავნილის ჩაბარებისა და ჩაუბარებლობის მიზეზის ამსახველ მატერიალური დადასტურების დოკუმენტში-უკუგზავნილში გათვალისწინებულ ყველა ველში ინფორმაციის სრულყოფილი სახით შეტანა. ჩაუბარებელი და შემსყიდველთან დაბრუნებული ისეთი გზავნილების, რომელთა ჩაუბარებლობის საფუძველი შესაბამის დოკუმენტში არის დაუსაბუთებელი და ბუნდოვანი, განმეორებით, შესაბამისი საფასურის გადახდის გარეშე, ჩაბარების უზრუნველყოფა, (აღნიშნულის შესახებ გზავნილზე შემსყიდველის მიერ უნდა მიეთითოს სიტყვიერად-„განმეორებით“).

7.1.4 ადგილობრივი და საერთაშორისო (PDF ფორმატში) გზავნილების ჩაბარების მატერიალური სახით დოკუმენტალური დადასტურება არაუმეტეს 3 სამუშაო დღეში.

7.1.5 ადგილობრივი და საერთაშორისო გზავნილების ონლაინ რეჟიმში თვალყურის დევნების სისტემისა (ე.წ. „თრეკინგი“) და მისი კუთვნილი ვებგვერდის გამართული ფუნქციონირება, საიდანაც შესაძლებელი იქნება გზავნილის ნებისმიერი მოძრაობის სტატუსის ნახვა, რომლის სისწორეზე პასუხისმგებელი იქნება მიმწოდებელი.

7.1.6 უფასო საკურიერო მომსახურება, ყოველ სამუშაო დღეს 10 საათსა და 16 საათზე. ასევე მოთხოვნის შემთხვევაში შემსყიდველთან წინასწარი შეთანხმების საფუძველზე შემსრულებელი ვალდებულია გამოცხადდეს საფოსტო გზავნილის მიღების ადგილზე და უზრუნველყოს მიმწოდებლისაგან საფოსტო გზავნილის წამოღება. სასწრაფო გზავნილის მისაღებად შემსრულებელი საფოსტო გზავნილის მიღების ადგილზე ცხადდება შემსყიდველთან დღის განმავლობაში.

7.1.7 შემსყიდველის შესაბამისი შესაფუთი მასალით შეუფერხებელი მომარაგება.

7.1.8 გზავნილების ჩაბარება, შემსყიდველის მოთხოვნის საჭიროების შემთხვევაში, უნდა განხორციელდეს შაბათ დღეს. გზავნილის კურიერის მეშვეობით ადრესატზე/ფიზიკურ პირზე ჩაბარება პირადად საქმიანობის ან საცხოვრებელი ადგილის მიხედვით, ადრესატისათვის საქმიანობის ადგილზე გაგზავნილი გზავნილი უნდა ჩაბარდეს კანცელარიას ან ასეთივე დანიშნულების სტრუქტურულ ერთეულს ან/და პირადად, ხოლო ასეთის არყოფნის შემთხვევაში - შესაბამის უფლებამოსილ პირს, რომელიც ვალდებულია გზავნილი გადასცეს ადრესატს. გზავნილის ჩაბარება უნდა დადასტურდეს შესაბამის უწყებაზე გზავნილის მიმღების ხელმოწერითა და პირადი ნომრის მითითებით. თუ გზავნილის ჩამბარებელმა ადრესატი ვერ ნახა ან საქმიანობის, ან საცხოვრებელ ადგილზე, იგი გზავნილს აბარებს საცხოვრებელ ადგილზე, მასთან მცხოვრებ ოჯახის რომელიმე სრულწლოვან, ქმედითუნარიან წევრს ან საქმიანობის ადგილზე - კანცელარიას. გზავნილის მიმღები ვალდებულია ჩამბარებლის მიერ წარდგენილ შესაბამის უწყებაზე აღნიშნოს თავისი სახელი, გვარი, ადრესატთან დამოკიდებულება ან დაკავებული თანამდებობა. ადრესატის არყოფნის შემთხვევაში გზავნილის ჩამბარებელმა შესაბამის უწყებაზე უნდა აღნიშნოს, სად არის წასული ადრესატი და როდის ვარაუდობენ მის დაბრუნებას. თუ ადრესატი ადგილზე არ იმყოფება, გზავნილის განმეორებით (მეორეჯერ) მიტანა მითითებულ მისამართზე უნდა განხორციელდეს უფასოდ მომდევნო ორი სამუშაო დღის განმავლობაში, ასევე გზავნილის ჩაბარების მიზნით დაკავშირება და მხოლოდ ამის შემდეგ კვლავ ჩაუბარებლობის შემთხვევაში დაუბრუნდეს შემსყიდველს. შესაბამისი მიზეზების მითითებით. ყოველი განმეორებით (მეორეჯერ) გატანილი გზავნილი უნდა აისახოს ელექტრონულად გზავნილის ისტორიაში გზავნილის უნიკალური შტრიხკოდის ქვეშ. მიმწოდებლის მიერ წარმოდგენილი თითოეული მიღება-ჩაბარების აქტი, შესაბამისი აღნიშვნით, ასევე უნდა შეიცავდეს ინფორმაციას განმეორებით (მეორეჯერ) მიტანილი გზავნილების შესახებ, თუ ადრესატმა უარი განაცხადა გზავნილის ჩაბარებაზე, შემსრულებელი ზეპირად განუმარტავს მას იმის თაობაზე, რომ უარის განცხადების შემთხვევაში, გზავნილი შეიძლება მიჩნეული იქნეს ჩაბარებულად. ამ პუნქტით გათვალისწინებულ შემთხვევაში ადრესატის მიერ გზავნილის არ მიღების თაობაზე, შემსრულებელი ელექტრონულ და მატერიალურ დოკუმენტზე აკეთებს შესაბამის აღნიშვნას, ხოლო გზავნილს 3 (სამი) სამუშაო დღის განმავლობაში უბრუნებს დამკვეთს. საერთაშორისო გზავნილის ჩაბარების დამადასტურებელი დოკუმენტის ქართულ ენაზე მიწოდება შემსყიდველისთვის, სადაც მითითებული იქნება გზავნილის ჩაბარების ზუსტი თარიღი, დრო და ადრესატის გვარი, ვინც ხელი მოაწერა აღნიშნული გზავნილის ჩაბარებაზე.

7.1.9 არასწორ მისამართზე გაგზავნილი საერთაშორისო გზავნილის გადამისამართება იმავე ქალაქში, ხოლო ადგილობრივი გზავნილის გადამისამართება საქართველოს მასშტაბით უფასოდ.

7.2 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.3 შემსყიდველი ვალდებულია უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.

7.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

8. ხელშეკრულების შესრულების კონტროლი

8.1 ხელშეკრულების შესრულების კონტროლს განახორციელებს საქმისწარმოების სამმართველოს შრომითი ხელშეკრულებით დასაქმებული პირი მინადორა მელქაძე.

8.2 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმახორციელებელი პირი ამოწმებს შესყიდვის ობიექტის შესაბამისობას ხელშეკრულებით გათვალისწინებულ პირობებთან და შემსყიდველის მოთხოვნებთან.

8.3 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

8.4 თუ ხელშეკრულებით სხვა რამ არ არის გათვალისწინებული, ყველა გამოვლენილი ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. ხელშეკრულების პირობების შეუსრულებლობა

9.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე გაუწეველი მომსახურების ღირებულების 0,2%-ის ოდენობით.

9.2 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა ხელშეკრულების საერთო ღირებულების 5%-ის ოდენობით.

9.3 მიმწოდებლის მიერ ხელშეკრულებით ნაკისრი ვალდებულების არაჯეროვანი (ნაწილობრივ) შესრულების შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლოს გადახდა შესასრულებელი (დარჩენილი) ვალდებულების ღირებულების 5%-ის ოდენობით.

9.4 წინამდებარე ხელშეკრულების მე-4 მუხლის 4.2 პუნქტში მითითებული ვადის ვადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

9.5 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) შეტყობინებიდან არაუგვიანეს 1 თვის ვადისა.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

10.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთ-ერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

10.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

11.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

11.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელმწიფო გადატრიალება და სხვ.).

11.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

11.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

11.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმომწერნი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

14. ხელშეკრულების მოქმედების ვადა

14.1 ხელშეკრულება ძალაში შედის მისი ხელმოწერის დღიდან და მოქმედებს 2025 წლის 31 იანვრის ჩათვლით.

14.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

15. ზოგადი დებულებები

15.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

15.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

15.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

15.4 ხელშეკრულება ფორმდება ელექტრონულად.

15.5 2024 წლის 1 იანვრიდან შემსყიდველის სახელწოდება განისაზღვროს შემდეგნაირად: "საქართველოს განათლების, მეცნიერებისა და ახალგაზრდობის სამინისტრო".

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

მიმწოდებლის მხრიდან:

კომერციული დეპარტამენტის უფროსი

მერი ბასილაშვილი

შემსყიდველის მხრიდან:

ეკონომიკური დეპარტამენტის უფროსი

მარიამ ტაბატაძე

საქართველოს განათლებისა და მეცნიერების

სამინისტრო

ეკონომიკური დეპარტამენტი

დეპარტამენტის უფროსი

ტაბატაძე მარიამ

მ. ხაჩიძე